

[Augsburg], 29. September 1568

An Theodor Zwinger

UB Basel, Fr. Gr. I 11, fol. 307r (Anfang fehlt).

<...> debeant: cum vt lucrum, ita et sumptus ac periculum vtrisque minuatur. Sed fortassis ἀντιπάθειά τις φυσικὴ καὶ φιλονεικία illorum concordiae et commodis tum ipsorum tum meis obstat. Demosthenes certè Graecolatinus cum indicibus et annotationibus, Liuij magnitudinem facilè vincet, et sumptus non paruos postulabit, et temporis aliquid ad distrahendum. Nec enim cuius tot nummi in promptu sunt, vt tantum volumen comparare possit. Sed quid ego haec autem vana atque ingrata reueluo? Te duce atque autore opus est: Tu vel Oporianis vel Episcopio libellum tradito, ea lege, vt hac hyeme excudatur: vel asseruabis, dum caetera omnia misero, in quibus conficiendis dies noctesque elaboro, et spero penè contra spem Deum mihi vires perficiendi conata daturum. Sum impudens, fateor, qui tantum oneris imponere, tantum negotij vix de facie notus facessere tibi audeam. Sed fretus sum humanitate tua eximia, et benefica voluntate: neque dubito quin eadem opera etiam Oporini manibus sis gratificaturus: cuius commodorum iam per annos 20 quantis cum laboribus, et quam exiguo fructu meo quam fuerim studiosus: non puto te ignorare. Sed haec hactenus. Mitto literas à Cratone, et alteras ad Ramum. Condae legatio et Heluetiorum intercessio, vtinam sit Galliae salutaris. E Belgio indies nuncios de conflictu Albensis et Vranij (!) expectamus, parua cum spe, ἵν μὴ παράλογόν τι γένηται. Sunt enim Regij copijs, munitionibus, commeatu, pecunia longè superiores, fortassis etiam στρατηγήμασι καὶ εύπειθείᾳ τῶν στρατιωντῶν. Qui victoria p< > Haud tanto (vt coniectura est) cessabunt cardine rerum. ὅλλα ταῦτα μὲν τῷ θεῷ μελήσει, ἡμῖν δὲ ὅτι ἀν γένηται στέργειν ἀνάγκῃ. Vale, vicissimque Wolfio quod voles, impera. 3 Cal[endas] Octobris 1568.

Hiero[nymus] Wolfius
Tuus.